



Bilten Saveza općina i gradova Federacije Bosne i Hercegovine



Godina: XX

Datum: 29.09.2023.

Broj: 289

NAJAVA REDOVNE SJEDNICE SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE

Obavijestavamo članice Saveza da će se 13. sjednica Skupštine Saveza općina i gradova Federacije Bosne i Hercegovine održati 10.10.2023. godine u Hadžićima, Tarčin Forest Resort & Spa, MGallery Hotel Collection.

Skupština će, između ostaloga razmatrati Izvještaj o radu organa i tijela Skupštine Saveza općina i gradova Federacije BiH za period januar 2022. godine – juni 2023. godine, te će se upoznati sa Poslovno-finansijskim modelom Saveza 2024-2026. koji uključuje i promjene u načinu finansiranja Saveza, Izvještajem „Garancija lokalne autonomije u Federaciji Bosne i Hercegovine kroz usklađenost sa standardima Evropske povelje o lokalnoj samoupravi” i drugim temama od značaja za rad Saveza i lokalne samouprave u FBiH.

Molimo članice da na vrijeme potvrde učešće u radu Skupštine Saveza, a za više informacija možete kontaktirati Stručnu službu Saveza na tel.: 033 216 502.

ODRŽANA RADIONICA ZA IZRADU RADNE VERZIJE MODELA ETIČKOG KODEKSA ZA IZABRANE ZVANIČNIKE U VIJEĆIMA GRADOVA I OPĆINA FBiH



Članovi Komisije za ustavna i zakonodavna pitanja Saveza općina i gradova Federacije Bosne i Hercegovine u Konjicu su 13.09.2023. godine prisustvovali Konsultativnoj radionici za izradu radne verzije modela etičkog kodeksa za izabrane predstavnike - vijećnike u vijećima gradova i općina Federacije Bosne i Hercegovine. Na radionici je istaknuto kako se uskoro očekuje finaliziranje rada na nacrtu modela Etičkog kodeksa gradskih i općinskih vijeća u Federaciji Bosne i Hercegovine za njihov

odgovorniji rad. Fokus radionice su bile aktivnosti koje su se ticale integriteta i transparentnosti. Model Etičkog kodeksa gradskih i općinskih vijeća u Federaciji Bosne i Hercegovine ima za cilj prihvatanje svih međunarodnih standarda.

„Svakako sa ovim modelom koji smo tretirali, smatram da je nužno potrebno da se ovo prenese i na druge izabrane zvaničnike. Naravno, tu ne trebamo isključivati gradonačelnike i načelnike s obzirom na njihovo ponašanje, kako u medijima tako i na sjednicama gradskih/općinskih vijeća. Mislim da nam svima treba normiranja kako bi naš rad bio dočekan pozitivno od strane javnosti odnosno naših građana“, kazao je gradonačelnik Grada Zavidovići i član Komisije za ustavna i zakonodavna pitanja Hašim Mujanović.

Na sjednici Komisije za ustavna i zakonodavna pitanja Saveza općina i gradova Federacije Bosne i Hercegovine predstavljen je **nacrt Izvještaja o uvođenju CAF modela** u jedinice lokalne samouprave Federacije Bosne i Hercegovine. Uvođenje CAF metodologije u jedinicama lokalne samouprave je projekat koji Savez općina i gradova Federacije Bosne i Hercegovine provodi u saradnji sa UNDP Bosnia and Herzegovina, a u cilju podrške općinama i gradovima da putem samoprocjene objektivno sagledavaju svoje trenutne kapacitete. Istaknuto je kako uvođenje ovog alata u upravu od velikog značaja. Članovima Komisije prezentovan je i Izvještaj "Garancija lokalne autonomije u Federaciji Bosne i Hercegovine kroz usklađenost sa standardima Evropske povelje o lokalnoj samoupravi - stručno mišljenje i preporuke."

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmemed.eu
<https://tacso.eu/>
<https://evinfo.ba/en/>
www.balkanfund.org
<https://eace.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

MINISTARSTVO PRAVDE I UPRAVE KS: SASTANAK O NASTAVKU AKTIVNOSTI NA IMPLEMENTACIJI REFORME LOKALNE SAMOUPRAVE U KANTONU SARAJEVO

Ministrica pravde i uprave Kantona Sarajevo Darja Softić Kadenić održala je jučer sastanak s predstavnicima jedinica lokalne samouprave i Saveza općina i gradova na temu nastavka aktivnosti na implementaciji reforme lokalne samouprave u Kantonu Sarajevo.

Cijeneci kompleksnost administrativno-pravne reforme koja se treba provesti, Ministarstvo pravde i uprave KS, kao nosilac izrade i pripreme Zakona o lokalnoj samoupravi, organizovalo je ovaj sastanak s ciljem da predstavnici jedinica lokalnih samouprava iznesu svoje stavove o ključnim pitanjima koja je potrebno definisati, a kako bi Ministarstvo kreiralo što kvalitetnije zakonsko rješenje.

Također, tokom sastanka razmijenjene su informacije o dosadašnjim realizovanim aktivnostima, kao i problemi s kojima se susreću jedinice lokalne samouprave zbog nedonošenja ovog propisa.

Zajednički stav svih učesnika ovog sastanka je da se aktivnosti na implementaciji reforme lokalne samouprave u Kantonu Sarajevo trebaju intenzivirati, kao i da se inicira održavanje zajedničkog sastanka predstavnika zakonodavne i izvršne vlasti s predstavnicima jedinica lokalne samouprave.

Kako je istakla ministrica Softić Kadenić, trajno regulisanje ove oblasti je zakonska obaveza, a ujedno će predstavljati i pozitivan pomak u koordinaciji viših i nižih nivoa vlasti u cilju poboljšanja života građana u Kantonu Sarajevo.

Tekst preuzet sa: <https://vlada.ks.gov.ba>



Sa sastanka u Kantonu Sarajevo

ODRŽAN PRVI REGIONALNI SASTANAK PARTNERA NA PROJEKTU RCDN+



U Podgorici je, 26-27. septembra 2023. godine održan prvi regionalni sastanak partnerskih organizacija koje će biti uključene u Projekat RCDN+.

Cilj sastanka je ojačati partnerski odnos među asocijacijama poticanjem zajedničkog razumijevanja za RCDN+ ciljeve, aktivnosti i očekivanja od partnerskih asocijacija. Asocijacije su se upoznale za općim ciljevima RCDN+ projekta, te u skladu s tim odredile individualne prioritete za

naredne dvije godine koliko će asocijacije provoditi projekat.

Regionalna mreža za razvoj kapaciteta za usluge vodosnabdijevanja, odvodnje i prečišćavanja otpadnih voda na Zapadnom Balkanu (RCDN+), je trogodišnji projekat koji je započeo 2023. godine, a nastavak je prve faze istoimenog projekta koji je implementiran od 2018. do 2022. godine. U projekat su uključene asocijacije lokalnih vlasti i asocijacije komunalnih preduzeća iz oblasti vodosnabdijevanja, odvodnje i prečišćavanja otpadnih voda iz šest zemalja Zapadnog Balkana koje trebaju do kraja ove godine zaključiti ugovore o uključenju u projekat.

Projekat će biti usmjeren, između ostalog na jačanje kapaciteta partnerskih asocijacija, pružanje podrške u oblasti zagovaranja i lobiranja, pružanje edukacija i razmjene dobrih prakse zemalja regije i sl.

RCDN+ Projekat zajednički finansiraju Švajcarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ projekat "Otvoreni regionalni fond za jugoistočnu Evropu - modernizacija općinskih usluga" (ORF MMS).



Projekat će biti usmjeren, između ostalog na jačanje kapaciteta partnerskih asocijacija, pružanje podrške u oblasti zagovaranja i lobiranja, pružanje usluga edukacija i razmjene dobrih prakse zemalja regije i sl.



Posižijski dokument Aquasan mreže u BiH Dopriniti održivosti vodnih usluga putem efikasnog upravljanja električnom energijom

Udruženje za oblasti voda i zaštite okoliša "Aquasan mreža u BiH" zagovara efikasno i moderno upravljanje električnom energijom u vodo vodnim i kanalizacionim sistemima s ciljem osiguranja održivosti javnih vodo vodnih / komunalnih preduzeća i izvjeske održivosti vodnih usluga.

- Udruženje za oblasti voda i zaštite okoliša "Aquasan mreža u BiH" kada je u pitanju upravljanje energijom:
- Cijene električne energije su jako visoke i predviđa se nastavak trenda rizičnog rasta;
 - Visoki troškovi električne energije u vodo vodnim i kanalizacionim sistemima;
 - Neadekvatno projektiranje vodne infrastrukture što značajno utiče na cijenu njene nabavke, ugradnje i održavanja kao i njene optimalne rade;
 - Neadekvatan pristup projektiranju pumpnih sistema, uključujući neadekvatnu automatizaciju pumpnih sistema i monitoring rada pumpnih sistema;
 - Zastarjela i energijski neefikasna električna i mehanička oprema i neadekvatno održavanje;
 - Isključivo potenciranje kriterija najniže cijene u primjeni zakona o javnim nabavkama što rezultira nabavkom najjeftinijih materijala lošije kvalitete, izvorom nekalitativnih dobavljača, projektanta, nadzornih inženjera i izvođača radova;
 - Podaci i aluzne evidencije o imovini (statističkim sredstvima) koje se koriste za isporuku vodnih usluga nisu potpune ili uopće ne postoje;
 - Slab monitoring električnih i hidro-mehaničkih parametara instalirane elektro opreme i postrojenja;
 - Velike količine neprihvatne vode povećavaju crpljenje i obradu vode, a time i potrošnju energije;
 - Slabo upravljanje pritiskom u vodo vodnim sistemima (nepostojanje mjernih zona pritiska (PMA));
 - Nedostatak odgovarajućih stručnih kapaciteta tj. znanja, vještina i sposobnosti u JLS i JVP/JKP;
 - Cijene vodnih usluga nisu ekonomski, odnosno krst cijene se ne odražava puno pokrivenje troškova koji uključuju i troškove tekućeg i investicijskog održavanja elektro opreme i postrojenja;
 - Ograničena ulaganja u izgradnju nove infrastrukture zbog nedostatka finansijskih sredstava;
 - Nedovoljna primjena obnovljivih izvora energije poput solarne, geotermalne i ostale vrste obnovljivih izvora energije koji su još uvijek nedovoljno zastupljeni u JVP/JKP;
 - Nepostojanje plana upravljanja energijom i plana održavanja opreme i instalacija u JVP/JKP;
 - Državne politike i regulatorni okvir nedovoljno potiču energijsku učinkovitost u JVP/JKP;
 - Nedostatak motivacije i poticaja za zaposlenike da rade na upravljanju energijom kao i otpor promjenama jer uvođenje novih tehnologija i procesa često nosi određene izazove i rizike;
 - Nedostatak motivacije i poticaja za korisnike usluga da rade na domaćinskom korištenju vode.


Efikasno upravljanje energijom u JVP/JKP podrazumijeva donošenje i primjenu podržavajućih zakonskih regulativa i primjenu znanja, tehnika i planova upravljanja energijom, odnosno potrošnja i opremom koji koriste električnu energiju sa ciljem smanjenja troškova upravljanja i preventivnog održavanja i planskog remonta postrojenja, uz optimalnu isporuku nivoa usluge.

IZRAĐEN POZIŽIJSKI DOKUMENT O EFIKASNOM UPRAVLJANJU ELEKTRIČNOM ENERGIJOM U VODOVODNIM PREDUZEĆIMA

Posižijski dokument pod nazivom „Dopriniti održivosti vodnih usluga putem efikasnog upravljanja električnom energijom“ zagovara modernizaciju upravljanja električnom energijom radi efikasnijeg i održivog poslovanja javnih komunalnih / vodo vodnih preduzeća (JKP / JVP) u BiH.

Cilj ovog Posižijskog dokumenta je skrenuti

pažnju na izazove s kojima se susreću jedinice lokalne samouprave (JLS) i JKP / JVP u pogledu upravljanja električnom energijom, a posebno trenutno visokih troškova električne energije, i potaknuti raspravu u pravcu povećanja energetske efikasnosti postrojenja kojim upravljaju i koja održavaju JKP / JVP.



Sveobuhvatno sagledavanje gubitaka energije u tehnološkom procesu

Električna energija je ključni aspekt modernog društva i ekonomije koji zavise od priuštivog i neprekidnog snabdijevanja istom. Stoga je proaktivno i sistemsko praćenje, kontrola i optimizacija potrošnje nužno radi smanjenja potrošnje i troškova električne energije.

Udruženje za oblasti voda i zaštite okoliša "Aquasan mreža u BiH" je izradilo ovaj dokument koji možete naći na sljedećem linku: <https://bit.ly/3Zzb0la>

OBJAVLJEN POZIV ZA IZRAŽAVANJE INTERESA ZA UKLJUČIVANJE JLS U PARTNERSTVO ZA OTVORENU VLAST (OGP)

Partnerstvo za otvorenu vlast (Open Government Partnership - OGP) objavilo je poziv za izražavanje interesa za nove članove koji su zainteresovani da se pridruže OGP-u, sa planiranim prijemom do **50 novih JLS u 2024. godini**. OGP je multilateralna inicijativa pokrenuta 2011. godine, kao međunarodna platforma za domaće reformatore posvećene procesu otvaranja rada vlade, njenoj odgovornosti i prijemčivosti za građane i građanke. OGP promovira transparentno, participativno, inkluzivno i odgovorno upravljanje i trenutno okuplja 75 zemalja i 104 jedinice lokalne samouprave – koje predstavljaju više od dvije milijarde ljudi – i nekoliko hiljada organizacija civilnog društva.

OGP lokal program će organizovati niz online informativnih sesija kako bi ponudio više informacija o samom programu i procesu izražavanja interesa. Informativna sesija za Evropu će se održati **18.10.2023. godine**, a više informacija o info sesiji i načinu prijave za sesiju možete pronaći na sljedećem linku: <https://www.opengovpartnership.org/events/ogp-local-informational-sessions-2023/>

Vijeće Evrope će u toku narednog mjeseca, nakon 18.10.2023. godine, organizovati jednu kraću prezentaciju i selektovati nekoliko općina/gradova iz BiH koje izraze želju da apliciraju. Izabranim općinama i gradovima Vijeće Evrope će pružiti ekspertsku podršku prilikom pisanja aplikacija.

Detaljne informacije o OGP lokal pozivu su dostupne na zvaničnoj web stranici: <https://www.opengovpartnership.org/ogp-local/join-ogp-local-call-for-expressions-of-interest-2023/>



Vijeće Evrope će u toku narednog mjeseca, nakon 18.10.2023. godine, organizovati jednu kraću prezentaciju i selektovati nekoliko općina/gradova iz BiH koje izraze želju da apliciraju. Izabranim općinama i gradovima Vijeće Evrope će pružiti ekspertsku podršku prilikom pisanja aplikacija.

JAVNI POZIV ZA ODABIR EKSPERTA ZA OBLAST SOCIJALNE INKLUZIJE

Savez općina i gradova Federacije BiH provodi projekat "Regionalna saradnja za bolju socijalnu inkluziju na lokalnom nivou" uz podršku NALAS-a (Mreža asocijacija lokalnih vlasti jugoistočne Evrope) i GIZ-a. Projekat se fokusira na podršku jedinicama lokalne samouprave i njihovim savezima u Srbiji, Bosni i Hercegovini, Sjevernoj Makedoniji, Kosovu i Albaniji u jačanju socijalne i ekonomske inkluzije ranjivih grupa na lokalnom nivou, u skladu sa sveobuhvatnim principom Agende 2030 „Nikoga ne zapostaviti”.

Jedna od aktivnosti projekta je procjena kapaciteta Saveza u oblasti socijalne inkluzije te izrada mape puta s preporukama. S tim u vezi, Savez općina i gradova FBiH objavljuje Javni poziv za odabir lokalnog eksperta za oblast socijalne inkluzije. Specifični cilj zadatka je pružiti podršku Savezu u izradi mape puta za jačanje kapaciteta Saveza u vezi sa aktivnostima zagovaranja za socijalnu inkluziju i implementaciju preporuka.

Prijavu je potrebno dostaviti na sljedeći mail: savez@sogfbih.ba, najkasnije do 12. oktobra 2023. godine.

Opis poslova u kojem možete naći detaljne informacije o zadatku te načinu prijave nalazi se na sljedećem linku: <https://bit.ly/3rpgwUa>

NAJAVA OBILJEŽAVANJA DANA OPĆINA / GRADOVA ZA MJESEC OKTOBAR / LISTOPAD

01. oktobar/listopad - Dan Općine Gornji Vakuf – Uskoplje. Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.



02. oktobar/listopad - Dan Grada Tuzla. Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine.



04. oktobar/listopad - Dan Grada Čapljina i ujedno Dan Sv.Franje – zaštitnika župe Čapljina.



10. oktobar/listopad - Dan Općine Sanski Most. Navedenog datuma 1995. godine oslobođeno je područje općine Sanski Most.



14. oktobar/listopad - Dan Općine Žepče. Prvi pisani trag o ovom gradu datira na ovaj dan iz 1458. godine kada je «(na Žepču)» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću.



22. oktobar/listopad - Dan Grada Gradačac. Tog dana u odbrani Gradačca 1992. godine zaustavljen je «Oklopni voz» na prilazu gradu.



23. oktobar/listopad - Dan Grada Orašje. Tog dana 1992. godine oslobođeno je selo Vidovice u oraškoj općini.

Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.